



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-4367-15

Datum: 08.12.2025.

Na osnovu člana 23. stav (3), tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19 i 31/19 i 39/20) i člana 70. stav (1) i (4) Zakona o javnim nabavkama („Službeni glasnik BiH”, broj 39/14, 59/22 i 50/24), policijski komesar, d o n o s i:

O D L U K U
o poništenju postupka
„Nabavka dijelova uniforme za policijske službenike“
(Lot 2 – Uniforma za rad u inostranstvu)

Poništava se postupak „Nabavka dijelova uniforme za policijske službenike“ (Lot 2 – Uniforma za rad u inostranstvu) koji se provodi putem otvorenog postupka i odbacuje se ponuda ponuđača KM Trade d.o.o. Visoko, za Lot 2, kao neprihvatljiva.

Obrazloženje

Na osnovu odluke, broj 02-11-4-4367-9, od 08.12.2025. godine; obavještenja o nabavci, broj 16475-1-1-126-3-147/25, od 09.12.2025. godine i ispravke za obavještenje o nabavci, broj 16475-1-1-126-8-154/25, od 22.12.2025. godine, proveden je otvoreni postupak „Nabavka dijelova uniforme za policijske službenike“ (Lot 2 - Uniforma za rad u inostranstvu)”. Procijenjena vrijednost nabavke bez PDV-a iznosi 55.782,00 KM.

Prema Zapisniku sa otvaranja ponuda, od 19.01.2026. godine u postupku za Lot 2 dostavljena je ponuda od strane ponuđača KM Trade d.o.o. Visoko.

Komisija za javnu nabavku policijskih uniformi, imenovana rješenjem, broj 02/5-1-30-1-4151, od 14.07.2025. godine je nakon provedenog postupka pregleda i analize dostavljene ponude sačinila zapisnik o pregledu i ocjeni ponuda, broj 02-11-4-4420-12, od 06.02.2026. godine, u kome je dala preporuku da se postupak za Lot 2 – Uniforma za rad u inostranstvu, poništi jer dostavljena ponuda ponuđača KM Trade d.o.o. Visoko za Lot 2, nije prihvatljiva iz razloga što ponuđač nije dostavio sve dokaze i uzorke koji su rezultati ispunjavanja tehničko-profesionalne sposobnosti, te iz tog razloga što ponuda nije sačinjena u skladu sa zahtjevima propisanim tenderskom dokumentacijom. S tim u vezi ponuđač u ponudi nije dostavio: deklaraciju materijala za sve dijelove uniforme koji su predmet Lot-a za koji se predaje ponuda; uzorke ponuđene robe; izvještaj ATEST o kontroli dostavljenog uzorka u odnosu na propisane zahtjeve tenderskom dokumentacijom (atest o vizuelnoj kontroli); testirane

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba

uzorke svih materijala sa svim parametrima, dokaze o izvršenoj laboratorijskoj kontroli mora da obuhvati sve materijale od kojih je sačinjen gotov proizvod. Ponuđač dostavljenu ponudu nije sačinio na propisan način i u dijelu koji se odnosi na dostavljanje obrazca ugovora iz aneksa VIIb, i Obrasca za cijenu ponude koje nije popunio u potpunosti, u skladu sa zahtjevima iz tenderske dokumentacije. Imajući u vidu tačku 5.2. tenderske dokumentacije da je procijenjena vrijednost javne nabavke u postupku za Lot 2 iznosila 55.782,00 KM bez PDV-a, a da je vrijednost ponude ponuđača KM Trade d.o.o. Visoko za Lot 2 iznosila 66.900,00 KM bez PDV-a, utvrđeno je da vrijednost ponude za Lot 2 prevazilazi planirana, odnosno osigurana novčana sredstva ugovornog organa za nabavku.

Uzimajući u obzir sve prethodno navedeno ponuda ponuđača KM Trade d.o.o. Visoko je neprihvatljiva, te je ponudu potrebno odbaciti, imajući u vidu odredbe člana 2. tačka L i člana 68. stav (1) i stav (4) tačka i) i tačka j) Zakona.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi u tri originalna primjerka putem preporučene poštanske pošiljke ili direktnom predajom Ugovornom organu, u roku od 10 (deset) dana od dana prijema obavještenja, a u skladu sa članom. 101. stav (1) tačka 4) i članom 105. stav (1) i (2) Zakona. Dokaz (originalna uplatnica ili drugi originalni dokaz ili ovjerena kopija dokaza od strane nadležnog organa) o plaćenju naknade za pokretanje žalbenog postupka u iznosu propisanom članom 108. Zakona na osnovu kojeg se može nesumnjivo utvrditi da je transakcija izvršena obavezno se dostavlja ugovornom organu u roku za izjavljivanje žalbe.

POLICIJSKI KOMESAR
Generalni inspektor policije

Fatmir Hajdarević

DOSTAVITI:

1. Komisiji
2. Sektoru za materijalno-finansijske poslove
3. Odjeljenju za odnose s javnošću
radi objave na web stranici ugov. Organa
4. Ponuđaču x1
5. a/a

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba